


楞伽阿跋多羅寶經義疏（二）

《楞伽阿跋多羅寶經》卷第一義疏中

天竺·求那跋陀羅三藏 譯經


明·滿益大師 疏義




△初問

爾時大慧菩薩復白佛言。世尊所說心意意識。五法。自性相。一切諸佛菩薩所行。(魏云。世尊。唯願為說心意意識五法自體相等法門。諸佛菩薩修行之處。○唐云。世尊。惟願為我說心意意識五法自性相眾妙法門。此是一切諸佛菩薩入自心境)自心見等所緣境界不和合。(魏云。遠離自心邪見境界和合故。○唐云。離所行相)顯示一切說成真實相。(魏云。能破一切言語譬喻體相故。○唐云。稱真實義)一切佛語心。(魏云。一切諸佛所說法心。○唐云。諸佛教心)為楞伽國摩羅耶山海中住處諸大菩薩。說如來所歎海浪藏識境界法身。(魏云。為楞伽城摩羅耶山大海中諸菩薩。說觀察阿黎耶識大海波境界。說法身如來所說法故。○唐云。惟願如來。為此山中諸菩薩眾。隨順過去諸佛。演說藏識海浪法身境界)。

疏







△初明眼識

爾時世尊。告大慧菩薩言。四因緣故。眼識轉。何等為四。謂自心現攝受不覺。(魏云。一者不覺自內身取境界故。○唐云。所謂不覺自心現而執取故)無始虛偽過色習氣計著。(魏云。二者無始世來虛妄分別色境界熏習執著戲論故。○唐云。無始時來取著於色虛妄習氣故)識性自性。(魏云。三者識自性體如是故。○唐云。識本性如是故)欲見種種色相。(魏云。四者樂見種種色相故。○唐云。樂見種種色相故)大慧。是名四種因緣。水流處藏識。轉識浪生(魏云。是名四種因緣。於阿黎耶識海。起大湧波。能生轉識。○唐云。以此四緣。阿賴耶識如暴流水。生轉識浪。)

疏


四因緣者

- 初即自心取自心。非幻成幻法。乃所緣緣也
- 二即眼識習氣種子。乃親因緣也
- 三即前念眼識現行。乃等無間緣也
- 四即浮根四塵流逸奔色。及作意分別依等。乃增上緣也



△初正例
 大慧。如眼識。一切諸根微塵毛孔。俱生。隨次境界生。亦復如是。（唐云。如眼識。餘亦如是。於一切諸根微塵毛孔。眼等轉識或頓生云云。或漸生云云。）


疏



△二喻明
 譬如明鏡。現眾色像。大慧。猶如猛風。吹大海水。（唐云。或頓生。譬如明鏡。現眾色像。或漸生。猶如猛風。吹大海水）外境界風。飄蕩心海。識浪不斷（唐云。心海亦爾。境界風吹。起諸識浪。相續


不絕）因所作相異不異。（唐云。因所作相非一非異。○魏云。因事相故。遞共不相離故）合業生相。深入計著（唐云。業與生相。相繫深縛）不能了知色等自性故。五識身轉。大慧。即彼五識身俱。因差別分段相知。當知是意識因。（唐云。與五識俱。或因了別差別境相。有意識生）彼身轉。彼不作是念。我展轉相因。（唐云。然彼諸識。不作是念。我等同時展轉為因）自心現妄想計著轉。而彼各各壞相俱轉。分別境界分段差別。謂彼轉。（唐云。而於自心所現境界。分別執著。俱時而起。無差別相。各了自境。）

疏



△初正明境界甚深
如修行者入禪三昧。微細習氣轉。而不覺知。而作是念。識滅然後入禪正受。實不識滅而入正受。以習氣種子不滅故不滅。以境界轉攝受不具故滅。（唐云。但不取諸境。名為識滅）大慧。如是微細藏識究竟邊際。（唐云。如是藏識。行相微細）除諸如來及住地菩薩。諸聲聞緣覺外道修行所得三昧智慧之力。一切不能測量決了。


疏



△二略示悟入方便
餘地相智慧巧便。分別決斷句義最勝。無邊善根成熟。離自心現妄想虛偽。（唐云。唯有修行如實行者。

以智慧力。了諸地相。善達句義。無邊佛所。廣集善根。不妄分別自心所見。能知之耳（宴坐山林。下中上修。能見自心妄想流注。（唐云。大慧諸修行人。宴處山林。上中下修。能見自心分別流注）無量剎土諸佛灌頂。得自在力神通三昧。諸善知識佛子眷屬。（唐云。得諸三昧自在力通。諸佛灌頂。菩薩圍繞）彼心意識自心所現。自性境界虛妄之想。生死有海業愛無知。如是等因。悉已超度。（唐云。知心意識所行境界。超愛業無明生死大海）是故大慧。諸修行人。應當親近最勝知識（唐云。汝等應當親近諸佛菩薩。如實修行大善知識。）

疏



結勸親近最勝知識者

若不親近諸佛菩薩。則

不能得智慧巧便

不能成熟無邊善根

故也

此中略具二十五前方便

親近知識。宴坐山林。即具五緣

離自心現妄想虛偽。即訶五欲。及棄五蓋

既云宴坐。必調五事

下中上修。即行五法

又復略具圓觀十乘

智慧巧便。即觀不思議境

無邊善根。即發真正菩提之心

能見自心妄想流注。即巧安止觀

離自心現妄想虛偽。即破法徧

分別決斷。即識通塞

下中上修。即調適道品

親近知識。即對治助開

了諸地相。即知次位

超度妄想有海業愛。即能安忍

諸佛灌頂。得自在力等。即離法愛也

——「初長文」竟——

△二偈頌。(但頌轉識因緣。藏識境界。略不頌悟入方便也。)

爾時世尊。欲重宣此義而說偈言。譬如巨海浪。斯由猛風起。洪波鼓冥壑。無有斷絕時。藏識海常住。境界風所動。種種諸識浪。騰躍而轉生。

疏

此總頌轉識因緣也

前一偈。是立喻

後一偈。是法合

海水為因

猛風為緣

則波浪得起


藏識所持種子為因


現行種種境界為緣

則轉識得生也

青赤種種色。珂乳及石蜜。淡味眾華果。日月與光明。非異非不異。(魏云。青赤鹽珂乳。味及於石蜜。眾華與果實。如日月光明。非異非不異。○唐云。青赤等諸色。鹽貝乳石蜜。花果日月光。非異非不異)海水起波浪。七識亦如是。心俱和合生(魏同。○唐云。意等七種識。應知亦如是。如海共波浪。心俱和合生。)


疏






譬如海水變。種種波浪轉。七識亦如是。心俱和合生。謂彼藏識處。種種諸識轉（魏云。譬如海水動。種種波浪轉。梨耶識亦爾。種種諸識生。唐第三句云。藏識亦如是。餘三句並同魏。）


疏






謂以彼意識。思惟諸相義。不壞相有八。（魏云。心意及意識。為諸相故說。○唐云。心意及意識。為識相故說）無相亦無相。（魏云。諸識無別相。非見所見相。○唐云。八識無別相。無能相所相。）

疏










譬如海波浪。是則無差別。諸識心如是。異亦不可得。


疏



心名採集業。意名廣採集。諸識識所識。現等境說五（魏云。心能集諸業。意能觀集境。識能了所識。五識現分別。○唐云。心能積集業。意能廣積集。了別故名識。對現境說五。）


疏

此重頌即真之俗也



疏

△初疑問
爾時大慧菩薩以偈問曰。青赤諸色像。眾生發諸識。如浪種種法。云何唯願說。



——「初正明境界」竟——

此以俗疑真也

謂若因青赤諸色像等

眾生發諸轉識

猶如海浪種種諸法

是則

能發

所發

分明各異

今言

非異非不異

無相亦無相

其義云何

△二答釋

爾時世尊以偈答曰。青赤諸雜色。波浪悉無有。採集業說心。開悟諸凡夫。彼業悉無有。自心所攝離。
(唐云。而彼本無起。自心所取離)所攝無所攝。(唐云。能取及所取)與彼波浪同。受用建立身。是眾生現識。
(唐云。身資財安住。眾生識所現)於彼現諸業。譬如水波浪(唐云。是故見此起。與浪無差別。)

疏

此正明俗不違真。真亦不違俗也

謂

能發識之青赤諸色

所發識之猶海波浪

悉本無有實法

而云採集業說心者

不過開悟諸凡夫耳

彼所採集之業悉亦無有

但是自心妄生攝取

而所攝取

其性本離

譬如
翳目所取空華
本無華也
所攝既無所攝
則能攝亦無能攝
故與彼波浪同
全即是水
非別有波浪也

只今
所建立安住之身器
皆足眾生現識所現
而
凡愚不了唯識現故
乃於彼境妄現諸業
譬如從水妄起波浪。波浪既悉無有。則彼業亦悉無有
譬如以水收波。波無不盡。豈非無相亦無相乎

○二釋法喻疑二
初疑問
二答釋

△初疑問
爾時大慧菩薩復說偈言。大海波浪性。鼓躍可分別。藏與業如是。何故不覺知（唐第三句云。藏識如是起。○魏缺此一問一答。）

疏
此以喻疑法也
喻可分別
法難覺知
得無有法喻不齊之過乎

——「初釋真俗疑」竟——

△二答釋

爾時世尊以偈答曰。凡夫無智慧。藏識如巨海。業相猶波浪。依彼譬類通（唐云。阿賴耶如海。轉識同波浪。為凡夫無智。譬喻廣開演。）

疏

此正顯法難覺知

故借喻以通之也

——「二釋法喻疑」竟——

○三釋權實疑二

初疑問

二答釋

△初疑問

爾時大慧菩薩復說偈言。日出光等照。下中上眾生。如來照世間。為愚說真實。已分部諸法。何故不說實（唐云。譬如日光出。上下等皆照。世間燈亦然。應為愚說實。已能開示法。何不顯真實。）

疏

此疑佛說法不平等也

如來既如日照世間

應為愚夫說真實法


何故分部三乘諸法


而不但說一乘真實法耶

△二答釋

爾時世尊以偈答曰。若說真實者。彼心無真實。譬如海波浪。鏡中像及夢。一切俱時現。(唐云。俱時而顯現)心境界亦然。境界不具故。次第業轉生。(業。唐作而)識者識所識。(唐云。識以能了知)意者意謂然。(者。唐作復。○魏云。意者然不然)五則以顯現。(唐云。五識了現境)無有定次第。

疏





譬如工畫師。及與畫弟子。布彩圖眾形。我說亦如是。

疏

此喻如來

分部三乘法也

彩色本無文。非筆亦非素。為悅眾生故。綺錯繪眾像。

疏

此喻三乘本非實法

但是隨順眾生說也

言說別施行。(魏云。言說離真實。○唐云。言說則變異)真實離名字。(名。唐作文)分別應初業。(二譯皆無此句)修行示真實。(唐云。我所住實法。為諸修行說)真實自悟處。覺想所覺離。此為佛子說。(唐云。真實自證處。能所分別離云云。)

疏

此明修大乘行佛子

乃可為說實也

愚者廣分別。(魏云。愚者異分別。○唐云。愚夫別開演)種種皆如幻。雖現無真實。(魏云。惟見非真實。○唐云。所見不可得)如是種種說。隨事別施設。(魏云。隨事實不實。○唐云。隨事而變異)所說非所應。於彼為非說。(魏云。為此入故說。於彼為非說)彼彼諸病人。良醫隨處方。(方。魏作藥。○唐云。譬如眾病人。良醫隨授藥)如來為眾生。隨心應量說。(魏云。惟心應器說)妄想非境界。聲聞亦非分。哀愍者所說。自覺之境界(唐云。世間依怙者。證智所行處。外道非境界。聲聞亦復然。)

疏

此申明

說權
說實

之所以不同也

夫真實自悟處


惟可為佛子說耳

至為愚者


安得不分別開演

以逗其機宜哉

此為實施權之意也




○二勸修學又二



△初示方便

復次大慧。若菩薩摩訶薩。欲知自心現量攝受及攝受者妄想境界。(唐云。若欲了知能取所取分別境界。皆是自心之所現者)當離羣聚習俗睡眠。初中後夜。常自覺悟。修行方便。當離惡見經論言說。及諸聲聞緣覺乘相。當通達自心現妄想之相。

疏




△二示正修

復次大慧。菩薩摩訶薩。建立智慧相住已。(唐云。住智慧心所住相已)於上聖智三相。當勤修學。何等為聖智三相當勤修學。所謂無所有相。(唐云。無影像相)一切諸佛自願處相。(魏云。一切諸佛自願


住持相。○唐云。一切諸佛願持相（自覺聖智究竟之相）（魏云。內身聖智自覺知相。○唐云。自覺聖智所趣相。）

疏



修行得此已。能捨跛驢心智慧相。得最勝子第八之地。則於彼上三相修生（唐云。諸修行者獲此相已。即捨跛驢智慧心相。入菩薩第八地。於此三相修行不捨。）

疏



疏

大慧。無所有相者。謂聲聞緣覺及外道相。彼修習生。

聲聞緣覺。證於偏空
一切外道。執著斷空
皆非一切智相

今於彼空
能以正智修習
了達空為法界
一空一切空
涅槃 生死
皆是無所有相也

大慧。自願處相者。謂諸先佛自願處修生（魏云。謂諸佛本自作願住持諸法。○唐云。謂由諸佛自本願力所加持故而得生起。）

疏

諸佛本修行時。皆有無作四弘誓願

所謂
眾生無邊誓願度
煩惱無盡誓願斷
法門無量誓願知
佛道無上誓願成
故能生道種智
徧知法界佛法
無不盡也

大慧。自覺聖智究竟相者。一切法相。無所計著。得如幻三昧身。諸佛地處進趣行生。

疏

一切法相
若空
若有
若生死
若涅槃
乃至
五位百法
百界千如
了知皆是自心現量。故皆無所計著

不計著故

則得

如幻三昧

普現色身

從此

進趣修行。直階妙覺

四十二位。無非佛地

故名一切種智也

大慧。是名聖智三相。若成就此聖智三相者。能到自覺聖智究竟境界。是故大慧。聖智三相。當勤修學。

疏

此結明通教菩薩

若勤修學

圓教聖智三相

得成就者

即證圓教初發心住

三智圓發。乃至能到圓妙覺位究竟境界也

○第三聖智事分別自性門。大文為三

初請問

二正說

三結益


△初請問

爾時大慧菩薩摩訶薩。知大菩薩眾心之所念。名聖智事分別自性經。(魏云。名聖智行分別法門體)承一切佛威神之力。而白佛言。世尊。惟願為說聖智事分別自性經。百八句分別所依。(唐云。唯願為說

——「第二藏識境界門」竟——

百八句差別所依聖智事自性法門（如來應供等正覺。依此分別說菩薩摩訶薩。入自相共相妄想自性。（魏云。依此百八句。為諸菩薩摩訶薩。分別說自相同相妄想分別體。修行差別法。○唐云。一切如來。為諸菩薩墮自共相者。說此妄計性差別義門）以分別說妄想自性故。則能善知周徧觀察人法無我。淨除妄想。照明諸地。超越一切聲聞緣覺。及諸外道諸禪定樂。觀察如來不可思議所行境界。畢定捨離五法自性。諸佛如來法身智慧。善自莊嚴。（唐云。以一切佛法身智慧而自莊嚴）起幻境界。（唐云。入如幻境）昇一切佛剎兜率天宮。乃至色究竟天宮。逮得如來常住法身。


疏



法身智慧自莊嚴者。同諸佛理智之體也
 起幻境界者。同諸佛應化之用也
 昇一切剎兜率天宮者。示同三藏教一生補處也
 昇一切剎色究竟宮者。示同通教帶劣勝應世間最高大身也

逮得如來常住法身者
 入於如來妙莊嚴海
 圓滿菩提。歸無所得也


說此法門
 有此大益
 所以
 諸大菩薩
 皆心念請
 大慧菩薩復發言請也



△初敘
 佛告大慧。有一種外道。作無所有妄想計著。覺知因盡。免無角想。(唐云。有一類外道。見一切法隨因而盡。生分別解。想免無角。起於無見)如免無角。一切法亦復如是。(魏云。如免角無。諸法亦無)大慧。復有餘外道。見種求那極微陀羅標形處橫法。各各差別。(魏云。見四大功德實有物。見各各有

差別相。○唐云。見大種求那塵等諸物。形量分位各差別已見已。計著無兔角。橫法作牛有角想（魏云。實無兔角虛妄執著。妄想分別實有牛角。○唐云。執兔無角。於此而生牛有角想。）

疏




△二破


大慧。彼墮二見。不解心量。(魏云。不知唯心。○唐云。不了唯心)自心境界妄想增長。(魏云。妄想分別增長自心界。○唐云。但於自心增長分別)身受用建立。妄想根量。大慧。一切法性。亦復如是。離有無。不應作想。(唐云。身及資生器世間等。一切皆唯分別所現。大慧。應知兔角。離於有無。諸法悉然。勿生分別)大慧。若復離有無。而作兔無角想。是名邪想。彼因待觀。故兔無角。不應作想。(唐云。云何兔角離於有無。互因待故)乃至微塵分別事性。悉不可得。大慧。聖境界離。不應作牛角想。(唐云。分析牛角乃至微塵。求其體相。終不可得。聖智所行。遠離彼見。故是於此不應分別。)

疏

此正破外道不悟唯心。所以墮在有無二見

乃於自心境界之中。增長有無二種妄想分別也






○二轉破妄想言無。又二

初問
二答

△初問

爾時大慧菩薩摩訶薩白佛言。世尊。得無妄想者。見不生想已。隨比思量觀察不生。妄想言無耶（魏云。愚痴凡夫。不見分別相。而比智分別。彼人見無。○唐云。彼豈不以妄見起相。比度觀待。妄計無耶。）

疏




○二答三
 初正破有無二俱不成
 二例明色空分齊非二
 三結勸思惟自心現量

△初正破有無二俱不成

佛告大慧。非觀察不生。妄想言無。(唐云。不以分別起。相待以言無)所以者何。妄想者。因彼生故。(唐云。彼以分別。為生因故)依彼角生妄想。(唐云。以角分別為其所依)以依角生妄想。是故言依因故。離異不異故。(唐云。所依為因。離異不異)非觀察不生。妄想言無角(唐云。非因相待。顯免角無。)

疏




疏

大慧。若復妄想異角者。則不因角生。若不異者。則因彼故(唐云。若此分別異免角者。則非角因。若不異者。因彼而起)。

此轉釋離異不異也
按魏譯
亦無兔字


今以二義釋之




乃至微塵分析推求。悉不可得。不異角故。彼亦非性。(唐云。分析牛角乃至極微。求不可得。異於有角言無角者。如是分別。決定非理)二俱無性者。何法何故而言無耶(唐云。二俱非有。誰待於誰。)

疏

此正斥析至極微而言牛角無者。定非理也





大慧。若無故無角。(唐云。若相待不成)觀有故言兔角無者。(唐云。待於有故。言兔角無)不應作想(唐云。不應分別。)



大慧。不正因故而說有無。二俱不成(唐云。不正因故。有無論者。執有執無。二俱不成。)

疏 此結斥不達唯心之過也





——「初正破有無二俱不成」竟——

○二例明色空分齊非二又二

△初敘

大慧。復有餘外道見。計著色空事形處橫法。不能善知虛空分齊。言色離虛空。起分齊見妄想（魏云。復有餘外道。見色有因。妄想執著形相長短。見虛空無形相分齊。見諸色相異於虛空。有其分齊。○唐云。復有外道。見色形狀虛空分齊。而生執著。言色異虛空。起於分別。）

疏

色及虛空

皆是

自心所現相分

不離自心

非有二也

外道

計著分位差別

故云不能善知

○二破又二

初正明不二

二破其妄執

△初正明不二

大慧。虛空是色。隨入色種。(魏云。虛空即是色。以色大入虛空故)大慧。色是虛空。持所持處所建立性。(唐云。能持所持建立性故。○魏云。色即是虛空。依此法有彼法。依彼法有此法故)色空事分別當知(魏云。以依色分別虛空。依虛空分別色故。○唐云。色空分齊。應如是知。)

疏

虛空是色隨入色種者

以空性無形。因色顯發

又空體不動。遍在色種處故

持所持處建立性者

以

虛空為能持

色為所持

相依不相離故

是故

依色分別虛空

則虛空但是分別所知

依虛空分別色

則色亦但分別所知

斷不在色外也

斷不在虛空外也

安得妄計各有分齊哉

大慧。四大種生時。自相各別。亦不住虛空。非彼無虛空（魏云。而四大中。非無虛空。）

疏

此明唯心所現四大

雖不住空

亦不外空

也

後文云

津潤妄想大種。生內外水界

堪能妄想大種。生內外火界

飄動妄想大種。生內外風界

斷截色妄想大種。生內外地界

此則舉性覺真空之體

而為


堅

濕

煖

動


之相



△二破其妄執

如是大慧。觀牛有角。故免無角。(魏云。兔角亦如是。因牛有角。言兔無角○唐云。兔角亦爾。觀待牛角。言彼角無)大慧。又牛角者。析為微塵。又分別微塵。剎那不住。彼何所觀故。而言無耶。(魏云。又彼牛角。析為微塵。分別微塵相。不可得見。彼何等何等法有。何等何等法無。而言有耶無耶)若言觀餘物者。彼法亦然(魏云。若如是觀。餘法亦然。○唐云。若待餘物。彼亦如是。)

疏




——「初正明不二」竟——

△三結勸思惟自心現量

爾時世尊。告大慧菩薩摩訶薩言。當離兔角牛角虛空形色異見妄想。汝等諸菩薩摩訶薩。當思惟自心現妄想。（魏云。汝應當知自心所見虛妄分別之相。○唐云。應當觀察自心所見分別之相）隨入為一切剎土最勝子。以自心現方便而教授之（唐云。於一切國土。為諸佛子。說觀察自心修行之法。）

疏




○二偈頌二

初頌正法
二頌破執

△初頌正法

爾時世尊欲重宣此義。而說偈言。色等及心無。色等長養心。（魏云。色於心中無。心依境見有。○唐云。心所見無有。唯依心故起）身受用安立。識藏現眾生。（魏云。內識眾生見。身資生住處。○唐云。身資所住影。眾生藏識現）心意及與識。自性法有五。無我二種淨。（魏云。二種無我淨。○唐云。二無我清淨）廣說者所說（魏云。如來如是說。○唐云。諸導師演說。）

疏



△二頌破執


長短有無等。展轉互相生。以無故成有。以有故成無。微塵分別事。不起色妄想。心量安立處。惡見所不樂。(魏云。但心安住處。惡見不能淨。○唐云。唯心所安立。惡見者不信)覺想非境界。(魏云。非妄智境界。○唐云。外道非行處)聲聞亦復然。救世之所說。自覺之境界。

疏

此頌有無對待。皆是唯心



唯如來所自覺證
 不惟非外道所知
 亦非愚法聲聞所通達也

——「初破有無妄計」竟——



△初問
 爾時大慧菩薩。為淨除自心現流故。復請如來。白佛言。世尊。云何淨除一切眾生自心現流。為頓為漸耶。

疏




疏


佛告大慧。漸淨非頓。如菴羅果。漸熟非頓。如來淨除一切眾生自心現流。亦復如是。漸淨非頓。譬如陶家造作諸器。漸成非頓。如未淨除一切眾生自心現流。亦復如是。漸淨非頓。譬如大地。漸生萬物。非頓生也。如來淨除一切眾生自心現流。亦復如是。漸淨非頓。譬如人學音樂書畫種種技術。漸成非頓。如來淨除一切眾生自心現流。亦復如是。漸淨非頓。

此即大佛頂經所謂

事非頓除
因次第盡

乃頓家之漸也





夫人學諸技術。如

學射必宗於羿

學書必宗鐘王


非學作意神通道術也

而如來力無畏等。必以漸成

力無畏等

既成

則現流自永淨矣



譬如明鏡。頓現一切無相色像。（魏云。譬如明鏡。無分別心。一時俱現一切色像。○唐云。譬如明鏡。頓現眾像而無分別）如來淨除一切眾生自心現流。亦復如是。頓現無相無有所有清淨境界。（魏云。如來亦復如是。無有分別。淨諸眾生自心現流。一時清淨。非漸次淨。令住寂靜無分別處。○唐云。諸佛淨除眾生自心現流。亦復如是。頓現一切無相境界。而無分別）如日月輪。頓照顯示一切色像。（魏加句云。非為前後）如來。為離自心現習氣過患眾生。亦復如是。頓為顯示不思議智最勝境界。（魏云。為令眾生遠離自心煩惱見熏習氣過患。一時示現云云。○唐云。如來淨諸眾生自心過習。亦復如是。頓為示現不可思議諸佛如來智慧境界）譬如藏識。頓分別知自心現及身安立受用境界。（魏云。譬如阿梨耶識。分別現境自身資生器世間等。一時而知。非是前後。○唐云。譬如藏識。頓現於身及資生國

土一切境界）彼諸依佛。亦復如是。頓熟眾生所處境界。以修行者。安處於彼色究竟天。（魏云。報佛如來。亦復如是。一時成熟諸眾生界。置究竟天淨妙宮殿修行清淨之處。○唐云。報佛亦爾。於色究竟天。頓能成熟一切眾生。令修諸行）譬如法佛所作依佛。光明照耀。（魏云。譬如法佛報佛。放諸光明。有應化佛。照諸世間。○唐云。譬如法佛。頓現報佛及以化佛。光明照耀）自覺聖趣。亦復如是。彼於法性。有性無性。惡見妄想。照令除滅（魏云。內身聖行光明法體。照除世間有無邪見。亦復如是。○唐云。自證聖境。亦復如是。頓現法身。而為照耀。令離一切有無惡見。）

疏

此明如來四智

一時普能頓淨

一切眾生自心現流

兼顯理則頓悟

乘悟併銷義也

明鏡者。譬如來大圓鏡智也

無相色像者。如鏡中色像。有即非有。非有而有。當體如如也

頓現無相清淨境界者。令諸眾生頓悟圓成實如如理也

日月輪者。譬如來平等性智也

淨諸眾生習氣過患者。破其我法二執也

顯示不思議智者。令諸眾生頓階圓成實正智也

藏識者。譬如來妙觀察智也

眾生藏識。雖在迷時。亦惟現量
能於根身器界種子三類性境。一時覺了

如來妙觀察智。亦復如是。頓分別知法界眾生所有根性。方便令其從因剋果也

安處於彼色究竟天者。令諸眾生頓捨染分緣起。頓證淨分緣起也

法佛所作依佛光明者。譬如來成所作智也

照耀世間者。譬報化佛說法開示眾生也

自覺聖智者。指眾生聞法所獲始覺智也

照除惡見妄想者。頓破分別我法二執也

然此漸頓二義

雖約能所
實不相離

是故


所淨雖漸。而未嘗無頓也
能淨雖頓。而未嘗無漸也


且如


菴羅雖以漸熟。而一樹非不頓生多果
諸器雖以漸成。而陶家非不頓作諸器
萬物雖漸生長。而大地非不頓生萬物
技術雖以漸成。而巧人非不頓學眾技


此即漸中有頓也
如明鏡雖頓現像。而

胡來則胡現
漢來則漢現
次第來則仍次第現
也










「又藏通之頓頓。猶故不如圓家之漸漸」




——「初正答漸頓二義」竟——


△二兼辯三佛法相


大慧。法依佛。（魏云。法佛報佛。）說一切法入自相共相。自心現習氣因。相續妄想自性計著因。種種不實如幻。種種計著不可得。（唐云。法性所流佛。說一切法自相共相。自心現習氣因相。更相繫屬。種種幻事。皆無自性。而諸眾生。種種執著。取以為實。悉不可得）復次大慧。計著緣起自性。生妄想自性相。大慧。如工幻師。依草木瓦石。作種種幻。起一切眾生若干形色。（唐云。幻作眾生若干色像）起種種妄想。彼諸妄想。亦無真實。（唐云。令其見者種種分別。皆無真實）如是大慧。依緣起自性。起妄想自性。種種妄想心。種種相行事妄想相。計著習氣妄想。是為妄想自性相生。（唐云。此亦如是。於緣起性中。有妄計性。種種相現。是名妄計性生）大慧。是名依佛說法。（魏云。是名報佛說法之相。○唐云。是名法性所流佛說法相。）

疏

此先明報佛說法相也







說一切法自相共相
 皆因自心習氣所現
 皆如幻事
 正所謂依他無性也

相續妄想計著
 而計著實不可得
 正所謂徧計本空也

言
 計著緣起自性
 生妄想自性相
 者。如唯識云
 第六第七心品
 執我法者
 是能徧計
 依他起性。是所徧計

以是徧計心等所緣緣故
 如依於繩
 而起蛇想
 其所緣緣
 但是繩故
 本無蛇故
 故云
 彼諸妄想
 亦無真實
 也。餘文可知

大慧。法佛者。離心自性相。自覺聖所緣境界建立施作（唐云。法性佛者。建立自證智所行。離心自性相。○魏云。法佛說法者。離心相應體故。內證聖行境界故。是名法佛說法之相。）

疏

所證真如。名為法佛

以離能取所取相故。名為離心自性相

以無分別智體會真如故。名為自覺聖智所緣境界建立施作也

夫
 離心自性相者。唯識所謂
 真如無相可取
 正智不取於相也

自覺聖智所緣境界建立施作者。唯識所謂

雖有見分。而無分別
 雖無相分。而可說此帶如相起
 不離如故
 不變而緣也

既以根本正智親證真如
 則自分證法佛
 乃名得聞法佛所說法耳

大慧。化佛者。說施戒忍精進禪定及心智慧。離陰界入解脫。識相分別。觀察建立。超外道見。無色見(唐云。化佛說施戒忍進禪定智慧。蘊處界法。及諸解脫。諸識行相。建立差別。越外道見。超無色行。)

疏

對治六蔽。說事六度。即道諦也
 說陰界入。即苦諦也
 說離解脫。即滅諦也
 識相分別。觀察建立。即集諦也

又即十二因緣流轉還滅門也

總依生滅四諦。說三乘法

僅超外道及無色見
 出分段生死而已

——「二兼辨三佛法相」竟——

△三結勸修學除滅

大慧。又法佛者。離攀緣。攀緣離。一切所作根量相滅。(魏云。法佛說法者。離攀緣故。離能觀所觀故。離所作根量相故。○唐云。法性佛。非所攀緣。一切所緣。一切所作根量等相。悉皆遠離)非諸凡夫聲聞緣覺外道。計著我相所著境界。(唐云。非凡夫二乘及諸外道。執著我相所取境界。○魏云。非諸凡夫聲聞緣覺外道境界故。以諸外道執著虛妄我相故。)自覺聖究竟差別相建立。是故大慧。自覺聖究竟差別相。當勤修學。自心現見。應當除滅。

疏

